

風俗通義

二

Z121.6
1
(10)

風俗通義目錄

皇霸卷第一

三皇

五帝

三王

五伯

六國

正失卷第二

樂正后夔一足

風俗通義
丁氏家穿井得一人

封泰山禪梁父

葉令祠

燕太子丹

孝文帝

東方朔

淮南王安神仙

王陽能鑄黃金

宋均令虎渡江

彭城相袁元服

愆禮卷第三

九江太守武陵威

大將軍掾燉煌宣度

山陽太守汝南薛恭祖

弘農太守河內吳匡

河南尹太山羊翮祖

太尉郝子廉

南陽張伯大

風俗通義 目錄
公車徵士汝南夏甫

公車徵士豫章徐孺子

過譽卷第四

長沙太守汝南郅憚

司馬穎川韓稜

太原周黨

汝南陳茂

度遼將軍皇甫規

南陽五世公

汝南戴幼起

江夏太守河內趙仲讓

十反卷第五

太尉沛國劉矩叔

陽翟令左馮翊田輝

汝南范滂孟博

東郡太守汝南范茂伯

安平相汝南郅朗伯

巴郡太守太山但望伯門

高唐令樂安周糾

豫章太守汝南封祈

河內太守府廬江周景

河內太守司徒潁川韓演

安定太守汝南胡伊伯

宗正南陽劉祖

聘士彭城姜肱

趙相汝南李統

司徒九江朱偃

蜀郡太守穎川劉勝

聲音卷第六

商

角

宮

徵

羽

壎

笙

鼓

管

瑟

磬

鐘

柷

琴

空侯

箏

筑

缶

笛

批把

竽

簧

簫

箎

簫

籟

菝

菝

窮通卷第七

孔子

孟軻

虞卿

孟嘗君

韓信

韓安國

李廣

太尉沛國劉矩

司徒中山祝恬

司徒潁川韓演

太傅汝南陳蕃

祀典卷第八

先農

社神

稷神

靈星

竈神

風伯

雨師

桃梗

葦菱

畫虎

雄雞

殺狗磔邑四門

臘

祖

禊

司命

怪神卷第九

世間多有見怪

風俗通義 目錄
世間多有惡夢

城陽景王祠

九江遠道有唐居山名

會稽俗多淫祀

鮑君神

李君神

石賢士神

世間多有亡人魄持其家

世間亡者多有見神

世間多有狗作變怪

世間多有精物

世間多有伐木血出

世間多有蛇作怪者

世間人家多有見赤白光

山澤卷第十

五嶽

四瀆

林

麓

京

陵

丘

墟

阜

培

藪

澤

沉

沛

湖

陂

渠

溝

洫

風俗通義目錄終

風俗通義窮通卷第七

漢 汝南應邵撰

易稱懸象著明莫大乎日月然時有昏晦詩美滔滔
江漢南比之紀然時有壅滯論語言天縱之莫盛於
聖然時有困否日月不失其體故蔽而復明江漢不
失其源故窮而復通聖人不失其德故廢而復興非
唯聖人俾爾直厚夫有恆者亦允臻矣是故君子厄
窮而不閔勞辱而不苟樂天知命無怨尤焉故錄先
否後喜曰窮通也孔子困於陳蔡之間七日不嘗粒

藜羹不糝而猶絃琴於室顏回擇菜於戶外子路子貢相與言曰夫子逐於魯削迹於衛拔樹於宋今復見厄於此殺夫子者無罪籍夫子者不禁夫子絃歌鼓舞未嘗絕音蓋君子之無耻也若此乎顏淵無以對以告孔子孔子恬然推琴喟然而嘆曰由與賜小人也召吾語之子路與子貢入子路曰如此可謂窮矣夫子曰由是何言也君子通於道之謂通窮於道之謂窮今丘抱仁義之道以遭亂世之患其所也何窮之爲故內省而不疚於道臨難而不失其德大寒

既至霜雪既降吾是以知松柏之茂也昔者桓公得之莒晉文公得之曹越得之會稽陳蔡之厄於丘其幸乎自衛反魯刪詩書定禮樂制春秋之義著素王之法復相定公會于夾谷昭舊以正其禮抗辭以拒其侮齊人謝過來歸鄆謹龜陰之田焉

孟軻受業於子思既通游於諸侯所言皆以爲迂遠而濶於事情然終不屈道趣舍枉尺以直尋嘗仕於齊位至卿後不能用孟子去齊尹士曰不識王之不可以爲湯武則是不明也識其不可然且至則是干

祿也千里而見王不遇故士
滯也軻曰夫尹士烏知予其
也不遇故去豈予所欲哉
畫於予心猶以爲速王庶幾
予夫出畫而王不予追也
公駕將見孟子嬖人臧倉謂
先於匹夫者以爲賢乎樂
來見也嬖人有臧倉者沮
之止或尼之行止非人之

也臧氏之子焉能使子不遇哉又絕糧於鄒薛困殆甚退與萬章之徒序詩書仲尼之意作書中外十一篇以爲聖王不作諸侯恣行處士橫議楊朱墨翟之言盈於天下天下之言不歸楊則歸墨楊氏爲我是無君也墨氏兼愛是無父也無父無君是禽獸也楊墨之道不息孔子之道不著是邪說誣民充塞仁義也仁義充塞則率獸食人人將相食也吾爲此懼閑先王之道距楊墨放淫辭正人心熄邪說以承三聖者予豈好辯哉予不得已也梁惠王復聘請之以爲

上卿孫況齊威宣王之時聚天下賢士於稷下尊寵若鄒衍田駢淳于髡之屬甚眾號曰列大夫皆世所稱咸作書刺世是時孫卿有秀才年十五始來遊學諸子之事皆以爲非先王之法也孫卿善爲詩禮易春秋至襄王時而孫卿最爲老師齊尙循列大夫之缺而孫卿三爲祭酒焉齊人或讒孫卿乃適楚楚相春申君以爲蘭陵令人或謂春申君湯以七十里文王以百里孫卿賢者也今與之百里也楚其危乎春申君謝之孫卿去之游趙應聘於秦是時七國交爭

尙於權詐而孫卿守禮義貴術籍雖見窮損而猶不
黜其志作書數十篇疾濁世之政國亂君危相屬不
遵大道而營乎巫祝信禳祥蘇秦張儀以邪道說諸
侯以大貴顯隨而笑之曰夫不以其道進者必不以
其道仕又小五伯以爲仲尼之門羞稱其功後客或
謂春申君曰伊尹去夏入殷殷王而夏衰管仲去魯
入齊魯弱而齊彊故賢者所在君尊國安今孫況天
下賢人所去之國其不安乎春申君使請孫況況遺
春申君書刺楚國因爲歌賦以遺春申君春申君恨

復固謝孫卿孫卿因不得已乃行復爲蘭陵令焉

虞卿游說之士也一見趙孝成王賜黃金百鎰白璧一雙再見拜爲上卿故號爲虞卿其後范雎之仇魏齊亡過平原君於是秦昭王請平原君願爲布衣之交與飲數日請曰周文王得呂尙而以爲太公齊桓得管夷吾而以爲仲父今范君亦寡人之叔父也范君之仇在君之家願使人取其頭不然吾不出君於關平原君曰貴而交者爲賤也富而友者爲貧也夫魏齊者勝之交也在固不出況今又不在臣所乎昭

王乃遺趙王書曰范君之仇魏齊在平原君家王使人疾持其頭來不然吾舉兵而伐趙又不出王之弟於關趙孝成王乃發卒圍平原君家急魏齊夜亡出見趙相虞卿虞卿度趙王終不可說乃解其印與魏齊間行念諸侯莫可以赴急者乃復走大梁欲因信陵以至楚而信陵君聞之畏秦猶與未肯見曰虞卿何如人哉時侯嬴在傍曰人固未易知知人亦未易也夫虞卿一見趙王賜白璧一雙黃金百斤再見拜爲上卿三見卒受相印封萬戶侯當是之時天下爭

知之夫魏齊窮困過虞卿虞卿不敢重爵祿之尊解
相印捐萬戶侯而間行以急士窮而歸公子公子曰
何如人知人固未易也信陵君大慙駕如野迎之魏
齊聞信陵君之初重見之大怒而自刎趙王聞之卒
取其頭與秦秦乃遣平原君虞卿遂留於魏魏趙畏
秦莫復用困而不得意乃著書八篇號虞氏春秋焉
孟嘗君逐於齊見反譚拾子迎於澶曰君怨於齊大
夫乎孟嘗君曰有譚子曰如是則殺之乎夫富貴則
人爭歸之貧賤則人爭去之此物之必至而理之固

然也願君勿怨請以市論朝而盈焉夕而虛焉非朝
愛之而夕憎之也求在故往亡故去孟嘗君曰謹受
命於是削所怨者名而已

韓信常從南昌亭長食數月亭長妻患之乃晨早食
食時信往不爲具食信亦知意遂絕去釣城下有一
漂母見信飢飯之竟漂數十日信曰吾必重報母母
怒曰大丈夫不能自食吾哀王孫耳豈望報乎淮陰
少年有侮信者曰君雖姣麗好帶長劍怯耳能死刺
我不能則出我跨下於是信熟視之俛出跨下匍匐

一市人皆笑以爲信
楚王賜所食母千金
不竟召辱信之少年
壯士也方辱我時豈
此也

韓安國爲梁中大夫
安國曰死灰獨不復
梁內史缺孝景皇帝
中爲二千石田甲亡

肉袒謝安國笑曰公等可與治乎卒善遇之

李廣去雲中太守屏居藍田南山中射獵當夜從一騎出飲田間還霸陵尉呵止廣廣騎曰故李將軍尉曰今將軍尙不得夜行何故也宿亭下居無何匈奴入遼西大爲邊害於是孝武皇帝乃召廣爲北平太守廣請霸陵尉與俱至軍斬之上書謝罪上報曰將軍者國之爪牙也司馬法曰登車不式遭喪不服振旅撫師以征不服率三軍之心同戰士之力故怒形則千里竦威振則萬物伏是以名聲暴於夷貊威稜

憺乎隣國夫報忿除害捐殘去殺朕之所圖於將軍也若乃免寇徒跣稽顙請罪豈稱朕之指哉

太尉沛國劉矩叔方爲尙書令失將軍梁冀意遷常山相去官冀妻兄孫禮爲沛相矩不敢還鄉里訪友人彭城環玉都玉都素敬重矩欲得其意喜於見歸爲除處所意氣周密人有謂玉都者禍至無日何宜爲其主乎玉都因事遠出家人不復占問暑則鬱蒸寒則凜凍且飢且渴如此一年矩素直亮眾談同愁冀亦舉寤轉薄爲厚上補從事中郎復爲尙書令五

卿三公爲國光鎮玉都慙悔自絕

司徒中山祝恬字伯休公車徵道得溫病過友人鄴
令謝著著拒不通因載病去至汲積六七日止客舍
中諸生曰今君所苦沈結困無醫師聞汲令好事欲
往語之恬曰謝著我舊友也尙不相見視汲令初不
相知語之何益死生命也醫藥曷爲諸生事急坐相
守吉凶莫見收舉便至寺門口白時令汝南應融義
高聞之驚愕卽嚴便出徑詣牀蓐手自扞摸對之垂
涕曰伯休不世英才當爲國家幹輔人何有生相知

者默止客舍不爲人所知邂逅不自貞哉家上有
老下有弱小願相隨俱入解傳伯休辭讓融遂不
歸取衣車厚其薦蓐躬自御之手爲丸藥口嘗餽
身自分熱三四日間加甚劣極便制衣棺器送終
具後稍加損又謂伯休吉凶不諱憂怖交心間粗
備具相對悲喜宿止傳中數十餘日伯休疆健不
後室家酣宴乃別伯休到拜侍中尙書僕射令璆
太守大將軍從事中郎義高爲廬江太守八年漕
喪停柩官舍章百餘上得聽行服未闋而恬拜曰

薦融自代歷典五郡名冠遠近著去鄴淺薄流聞不
爲公府所取

司徒潁川韓演伯南爲丹陽太守坐從兄季朝爲南
陽太守刺探尙書演法車徵以非身中賊豐道路聽
其從容至蕭蕭令吳斌演同歲也未至謂其實從到
蕭乃一相勞而斌內之狴犴堅其鑲挺身將兵馬送
之出境從事汝南閻符迎之於杼秋相得令止傳舍
解其桎梏入與相見爲致餼異日明府所在流稱今
以公徵往便原除不宜深以介意氣過於所望到

亦遇赦其間無幾演爲沛相斌去官及臨中台首辟符焉

太傅汝南陳蕃仲舉去光祿勳還到臨穎巨陵亭從者擊亭卒數下亭長閉門收其諸生人客皆馱毒痛欲復收蕃蕃曰我故大臣有罪州郡尙當先請今約勅兒客無素幸皆坐之何謂乃欲相及相守數時會行亭掾至困乃得免時令范伯弟亦卽殺其亭長蕃本召陵父梁父令別仕平輿其祖河東太守冢在召陵歲時往祠以先人所出重難解亭止諸冢舍時令

劉子興亦本凡庸不肯出候股肱爭之爾乃會其冢
上蕃持板迎之長跪令徐乃下車卽坐不命去板辭
意又不謙恪蕃深忿之令去顧謂賓客平輿老夫何
欲召陵令哉不但爲諸冢故耶而爲小豎子所慢孔
子曰假我數年乎其明年桓帝赫然誅五侯鄧氏海
內望風草偃子興以贓疾見彈埋於當世矣蕃起於
冢爲尙書僕射太中大夫太尉

謹按尙書曰人惟求舊詩云雖有兄弟不如友生論
語久要不忘平生之言周禮九兩友以任得民是以

隋會圖其身而不遺其友鮑叔度其德而厥後陵遲彌已凋翫伐木有鳥鳴之刺公之怨陳餘張耳攜手遯秦友猶父子及據爲豺虎自漢所稱王貢彈冠蕭朱結綬捕終始以交爲難況容悅偶合而能申固其長平之吏移於冠軍魏其之客移於武安亦旋復然翟公疾之乃書其門一死一生一貴一賤交情乃見自古患焉非直今出跨下之人斯難能也安國不念舊惡

廣因威歸忿非義之理宣尼阨陳皆降而復升兼濟
天下惟虞卿逼於疆秦獨善其身續述篇籍垂訓後
昆昔子夏心戰則癰道勝如肥何必高位豐爵以爲
融懿也

風俗通義窮通卷第七

風俗通義祀典卷第八

漢 汝南應劭撰

禮天子祭天地山川歲徧春秋國語凡禘郊宗祖報此五者國之典禮加之以社稷山川之神皆有功烈於民者也及前哲令德之人所以爲質者也及天之三辰所昭仰也地之五行所生殖也九州名山川澤所出財用也非是族也不在祀典禮矣論語非其鬼而祭之諂也又曰淫祀無福是以泰山不享季氏之旅而易美西隣之禴祭蓋重祀而不貴牲敬實而不



月詔曰農者天下之本其開籍田朕躬帥耕以給宗廟粢盛今民間名曰官田古者使民如借故曰籍田

社神

孝經說社者土地之主土地廣博不可徧敬故封土以爲社而祀之報功也周禮說二十五家置一社但爲田主報求詩云乃立冢土又曰以御田祖以祈甘雨

謹按春秋左氏傳曰共工有子曰勾龍佐顓頊能平九土爲后土故封爲上公祀以爲社非地祇

稷神

孝經說稷者五穀之長五穀眾多不可徧祭故立稷而祭之

謹按春秋左氏傳有烈山氏之子曰柱能殖百穀疏果故立以爲稷正也周棄亦以爲稷自商以來祀之禮緣生以事死故社稷人祀之也則祭稷穀不得用稷米稷反自食也而邾文公用繒子于次睢之社司馬子魚諫曰古者六畜不相爲用祭以爲人也民人神之主也用人其誰享之詩云吉日庚午旣伯旣禱

豈復殺馬以祭馬乎孝經之說於斯悖矣未之神爲
稷故以癸未日祠稷於西南水勝火爲金相也

靈星

俗說縣令問主簿靈星在城東南何法主簿仰答曰
唯靈星所以在東南者亦不知也

漢書郊祀志高祖五年初置靈星祀后稷也歐爵籩
揚田農之事也

謹按祀典旣以立稷又有先農無爲靈星復祀后稷
也左中郎將賈逵說以爲龍第三有天田星靈者神

也故祀以報功辰之神爲靈星故以壬辰日祀靈星於東南金勝木爲土相

竈神

禮器記曰臧文仲安知禮燔柴於竈竈者老婦之祭也故盛於盆尊於瓶

周禮說顓頊氏有子曰黎爲祝融祀以爲竈神

謹按明堂月令孟冬之月其祀竈也五祀之神王者所祭古之神聖有功德於民非老婦也漢記南陽陰子方積恩好施喜祀竈臘日晨炊而竈神見再拜受

神時有黃羊因以祀之其孫識執金吾封原鹿侯興
衛尉鮑陽侯家凡二侯牧守數十其後子孫常以臘
日祀竈以黃羊

風伯

楚辭說後飛廉使奔屬飛廉風伯也

謹按周禮以標燎祀風師風師者箕星也箕主簸揚
能致風氣易巽爲長女也長者伯故曰風伯鼓之以
雷霆潤之以風雨養成萬物有功於人王者祀以報
功也戊之神爲風伯故以丙戌日祀於西北火勝金

爲木相也

雨師

春秋左氏傳說共工之子爲玄冥師鄭大夫子產禳於玄冥雨師也

謹按周禮以禋燎祀雨師雨師者畢星也詩云月離于畢俾滂沱矣易師卦師者眾也土中之眾者莫若水雷震百里風亦如之至於太山不崇朝而徧雨天下異於雷風其德散大故雨獨稱師也丑之神爲雨師故以己丑日祀雨師於東北土勝水爲火相也

桃梗 葦菱 畫虎

謹按黃帝書上古之時有神荼與鬱壘昆弟二人性能執鬼度朔山上有桃樹二人坐樹下簡閱百鬼無道理妄爲人禍害荼與鬱壘縛以葦索執以食虎於是縣官常以臘除夕飾桃人垂葦菱畫虎於門皆追效於前事翼以衡凶也桃梗梗者更也歲終更始受介祉也戰國策齊語孟嘗君將西入秦諫者千數而弗聽蘇秦欲止之曰臣之來也過於澧上有土偶人焉與桃梗相與語謂土偶人曰子西岸之土也埏子

以爲人至歲八月天霖雨澇水至則子殘矣曰不然
吾西岸之土也殘則復西岸耳今子東國桃木也削
子以爲人隆雨下澇水至洗子而去汎汎將何如矣
夫秦四塞之國譬若虎口而入之則不知其可孟嘗
乃止春秋左氏傳曰魯襄公朝楚會楚康王卒楚人
使公親禭公患之叔孫穆叔曰祓殯而禭則布幣也
乃使巫以桃茢先祓殯楚人弗禁旣而悔之古者日
在北陸而藏冰深山窮谷其藏之也黑牡秬黍以享
司寒其出之也桃弧棘矢以除其災也葦菱傳曰菹

葦有藜呂氏春秋湯始得伊尹被之於廟薰以萑葦
周禮卿大夫之子名曰門子論語誰能出不由戶故
用葦者欲人子孫蕃殖不失其類有如萑葦莢者交
易陰陽代興也虎者陽物百獸之長也能執搏挫銳
噬食鬼魅今人卒得惡悟燒虎皮飲之繫其爪亦能
辟惡此其驗也

雄雞

俗說雞鳴將旦爲人起居門亦昏閉晨開扞難守固
禮貴報功故門戶用雞也青史子書說雞者東方之

牲也歲終更始辨秩東作萬物觸戶而出故以雞祀祭也

太史丞鄧平說臘者所以送刑德也大寒至常恐陰勝故以戌日臘戌者溫氣也用其氣日殺雞以謝刑德雄著門雌著戶以和陰陽調寒配水節風雨也

謹按春秋左氏傳周大夫賔孟適郊見雄雞自斷其尾歸以告景王曰憚其爲犧也山海經曰祠鬼神皆以雄雞魯郊祀常以丹雞祝曰以斯鶉聲赤羽去魯侯之咎今人卒得鬼刺痒悟殺雄雞以傳其心上病

賊風者作雞散治之東門雞頭可以治蠱由此言之
雞主以禦死辟惡也

殺狗磔邑四門

俗說狗別賓主善守禦故著四門以辟盜賊也

謹按月令九門磔禳以畢春氣蓋天子之城十有二
門東方三門生氣之門也不欲使死物見於生門故
獨於九門殺犬磔禳大者金畜禳者卻也抑金使不
害春時之所生令萬物遂成其性火當受而長之故
曰以畢春氣功成而退木行終也太史公記秦德公

始殺狗

戶正月

謹按韓

二月祭

謹按禮

臘者獵

者接也

於戌故此日臘也

祖

謹按禮傳共工氏之子曰修好遠遊舟車所至足跡所達靡不窮覽故祀以爲祖神祖者徂也詩云韓侯出祖清酒百壺左氏傳襄公將適楚夢周公祖而遣之是其事也詩云吉日庚午漢家火行盛於午故以午祖也

禊

謹按周禮男巫掌望祀望衍旁招以茅女巫掌歲時

風俗通義 卷之八
以祓除蠶浴禊者絜也春者蠢也蠢蠢搖動也尙書以殷仲春厥民析言人解析也療生疾之時故於水上覺潔之也已者祉也邪疾已去祈介祉也

司命

謹按詩云芄芃棫樸薪之樵之周禮以樵燎祀司中司命司中文昌第五星也司命文昌上六星也樵者積薪燔柴也今民間獨祀司命耳刻木長尺二寸爲人像行者檐篋中居者別作小屋齊地大尊重之汝南餘郡亦多有皆祠以腊率以春秋之月

終

風俗通義恠神卷第九

漢 汝南應劭撰

禮天子祭天地五嶽四瀆諸侯不過其望也大夫五祀士門戶庶人祖蓋非其鬼而祭之諂也又曰淫祀無福是以隱公將祭鍾巫遇賊蔣氏二世欲解淫神閻樂劫弑仲尼不許子路之禱而消息之節平荀罃不從桑林之祟而晉侯之疾間由是觀之則淫躁而畏者災自取之厥咎響應反誠據義內省不疚者物莫能動禍轉爲福矣傳曰神者申也恠者疑也孔子

稱上之恠爲墳羊論語子不語恠力亂神故采其晃
著者曰恠神也

世間多有見恠驚怖以自傷者

謹按管子書齊桓公田於澤見衣紫衣大如轂長如
轆拱手而立還歸寢疾數月不出有皇士者見公語
驚曰物惡能傷公公自傷也此所謂澤神委蛇者也
唯霸主乃得見之於是桓公欣然笑不終日而病愈
予之祖父郴爲汲令以夏至日主簿杜宣詣見賜酒
時北壁上有懸赤弩照於杯形如蛇宣畏惡之然不

敢不飲其日便得胸腹痛切妨損飲食大用羸露攻
治萬端不爲愈後郴因事過至宣家闕視問其變故
云畏此蛇蛇入腹中郴還聽事思惟良久顧見懸弩
必是也則使門下史將鈴下侍徐扶輦載宣於故處
設酒盃中故復有蛇因謂宣此壁上弩影耳非有他
恠宣遂解甚夷憚由是瘳平官至尙書歷四郡有威
名焉

世間多有惡夢變難必效

謹按晏子春秋齊景公病水十日夜夢與二日鬪而

不勝晏子朝公曰吾夢與二日鬪寡人不勝我其死也晏子對曰請召占夢者立於闈使以車迎召占夢者至曰曷爲見召晏子曰公夢與二日鬪不勝恐必死也占夢者曰請反具書晏子曰無反書公無所病病者陰也日者陽也一陰不勝二陽公病將已居三日公病大愈且賜占夢者占夢者曰此非臣之功也晏子教臣對也公召晏子將賜之晏子曰占夢者以占之言對故有益也使臣身言之則不信矣此占夢者之力也臣無功焉公召吏而使兩賜之晏子爲不

奪人之功占夢者不蔽人之能

城陽景王祠

謹按漢書朱虛侯劉章齊悼惠王子高祖孫也宿衛長安年二十有氣力高后攝政諸呂擅恣章私忿之嘗入侍宴飲章爲酒吏自請曰臣將種也請得軍法行酒有詔可酒酣章進歌舞已而復曰請爲太后耕田歌太后笑曰願汝父知田耳若生而爲王者子安知田乎曰臣知之深耕廣種立苗欲疏非其種者鋤而去之太后默然頃之諸呂有亡酒者章拔劍追斬

之而還報曰有亡酒一人臣謹行軍法斬之太后左右大驚業許之矣無以罪也自是諸呂畏憚雖大臣亦皆依之高后崩諸呂作亂欲危社稷章與周勃共誅滅之尊立文帝封城陽王賜黃金千斤立二年薨城陽今莒縣是也自瑯琊青州六郡及渤海都邑鄉亭聚落皆爲立祠造飾五二千石車商人次第爲之立服帶綬備置官屬烹殺謳歌紛籍連日轉相誑曜言有神明其譴問禍福立應歷載彌久莫之匡糾雖樂安太傅陳蕃濟南相曹操一切禁絕肅然政清陳

曹之後稍復如故安有鬼神能爲病者哉予爲營陵
令以爲章本封朱虛并食此縣春秋國語以勞定國
能御大災凡在於他尙列祀典章親高祖之孫進說
耕田軍法行酒時固有大志矣及誅諸呂尊立太宗
功冠天下社稷已寧同姓如此功烈如彼餘郡禁之
可也朱虛與莒宜常血食於是乃移書曰到聞此俗
舊多淫祀靡財妨農長亂積惑其侈可忿其愚可愍
昔仲尼不許子路之禱晉悼不解桑林之祟死生有
命吉凶由人哀哉黔黎漸染迷謬豈樂也哉莫之徵

耳今條下禁申約吏民爲陳利害其有犯者便收朝廷若私遺脫彌彌不絕主者髡截歎無反已城陽景王縣甚尊之惟王弱冠內侍帷幄呂氏恣睢將危漢室獨見先識權發酒令抑邪扶正忠義洪毅其歆禋祀禮亦宜之於駕乘烹殺倡優男女雜錯是何謂也三邊紛拏師老器弊朝廷旰食百姓囂然禮興在有年飢則損自今聽歲再祀備物而已不得殺牛遠迎他倡賦會宗落造設紛華方廉察之明爲身計而復僭失罰與上同明除見處勿後中覺

九江浚適有唐居山名有神眾巫共爲取公
嫗歲易男不得復娶女不得復嫁百姓苦之
謹按時太守宋均到官主者白出錢給聘男女均曰
眾巫與神合契知其旨欲卒取小民不相當於是勅
條巫家男女以備公嫗巫扣頭服罪乃殺之是後遂
絕

會稽俗多淫祀好卜筮民一以牛祭巫祝賦
歛受謝民畏其口懼被祟不敢拒逆是以財
盡於鬼神產匱於祭祀或貧家不能以時祀

風俗通義 卷之六 五
至竟年不敢食牛肉或祭病且死先爲牛
其畏懼如此

謹按時太守司空第五倫到官先禁絕之掾吏皆
倫曰夫建功立事在敢斷爲政當信經義言淫祀
福非其鬼而祭之諂也律不得屠殺少齒令鬼神
知不妄飲食民間使其無知又何能禍人遂移書
縣曉諭百姓民不得有出門之祀督課部吏張設
罰犯尉以下坐祀依託鬼神恐怖愚民皆按論之
屠牛輒行罰民初恐怖頗搖動不安或接祝妄言

勅之愈急後遂斷無復有禍祟矣

鮑君神

謹按汝南鮑陽有於田得麿者其主未往取也商車十餘乘經澤中行望見此麿著繩因持去念其不事持一鮑魚置其處有頃其主往不見所得麿反見鮑魚澤中非人道路恠其如是大以爲神轉相告語治病求福多有效驗因爲起祀舍眾巫數十帷帳鐘鼓方數百里皆來禱祀號鮑君神其後數年鮑魚主來歷祠下尋問其故曰此我魚也當有何神上堂取之

風俗通義 卷之六
遂從此壞傳曰物之所聚斯有神言人共獎成之耳

李君神

謹按汝南南頓張助於田中種禾見李核意欲持去
顧見空桑中有土因殖種以餘漿溉灌後人見桑中
反復生李轉相告語有病目痛者息陰下言李君令
我目愈謝以一豚目痛小疾亦行自愈眾犬吠聲因
盲者得視遠近翕赫其下車騎常數千百酒肉滂沱
間一歲餘張助遠出來還見之驚云此有何神乃我
所種耳因就斫也

石賢士神

謹按汝南汝陽彭氏墓路頭立一石人在石獸後田家老母到市買數片餌暑熱行疲頓息石人下小瞑遺一片餌去忽不自覺行道人有見者時客適會問何因有是餌客聊調之石人能治病愈者來謝之轉語頭痛者摩石人頭腹痛者摩其腹亦還自摩他處於此凡人病自愈者因言得其福力號曰賢士輜輦轂擊帷帳絳天絲竹之音聞數十里尉部常往護視數年亦自歇未復其故矣

世間多有亡人魄持其家語聲氣所說良是
謹按陳國張漢直到南陽從京兆尹延叔堅讀左氏
傳行後數月鬼物持其女弟言我病死喪在陌上常
苦饑寒操一量不措挂柴後楮上傅子方送我五百
錢在北牖中皆忘取之又買李幼一頭牛本券在書
篋中往求索之悉如其言婦尙不知有此女新從聲
家來非其所及家人哀傷益以爲審父母諸弟衰經
到來迎喪去精舍數里遇漢直與諸生十餘人相追
隨漢直顧見其家恠其如此家見漢直謂其鬼也恠

惘良久漢直乃前爲父拜說其本末且悲且喜凡所
聞見若此非一夫死者漸也鬼者歸也精氣消越骨
肉歸於土也夏后氏用明器殷人用祭器周人兼用
之視民疑也子貢問孔子死者其有知乎曰賜爾死
自知之由未晚也董無心云杜伯死親射宣王於鎬
京子以爲桀紂所殺足以成軍可不須湯武之眾古
事既察且復以今驗之人相啖食甚於畜生凡菜肝
鱉痕尙能病人人用物精多有生之最靈者也何不
芥蒂於其胸腹而割裂之哉猶死者無知審矣而時

風俗通義 卷之六
有漢直爲狗鼠之所爲

世間亡者多有見神語言飲食其家信以
是益用悲傷

謹按司空南陽來季德停喪在殯忽然坐祭牀上
色服飾聲氣熟是也孫兒婦女以次教誠事有條
鞭撻奴婢皆得其過飲食飽滿辭訣而去家人大
剝斷絕如是三四家益馱苦其後飲醉形壞但得
狗便朴殺之推問乃里頭沽酒家狗

世間多有狗作變恠朴殺之以血塗門戶

眾得咎殃

謹按桂陽太守汝南韋叔堅少時爲州從事在家狗人立而行家人言當殺之叔堅云犬馬喻君子狗見人行效之何傷叔堅見縣令還解冠榻上狗戴持走家大驚愕復云誤觸冠冠纓挂著之耳狗於竈前蓄火家益怔忡復云兒婢皆在田中狗助蓄火幸可不煩鄰里此有何惡里中相罵韋言無狗恠遂不肯殺後數日狗自暴死卒無纖介之異叔堅辟太尉掾固陵長原武令終享大位子條蜀郡都尉威龍司徒掾

風俗通書 卷之九
凡變恠皆婦女下賤何者小人愚而善畏欲信其說
類復裨增文人亦不證察與俱悼懾邪氣承虛故速
咎證易曰其亡斯自取災若叔堅者心固於金石妖
至而不懼自求多福壯矣乎

昔晉文公出獵見大蛇高如隄其長竟路文公曰天
子見妖則修德諸侯修政大夫修宮士修身乃卽齋
館忘食與寢請廟曰孤犧牲瘠蠶幣帛不厚罪一也
遊逸無度不卹國政罪二也賦役重數刑罰燥尅罪
三也有三罪矣敢逃死乎其夜守蛇吏夢天殺蛇曰

何故當聖君道爲及明視之則已臭爛

武帝時迷於鬼神尤信越巫董仲舒數以爲言武帝欲驗其道令巫詛仲舒仲舒朝服南面誦詠經論不能傷害而巫者忽死

世間多有精物妖恠百端

謹按魯相右扶風臧仲英爲侍御史家人作食設椀歛有不清塵土投汚之炊臨熟不知釜處兵弩自行火從篋籠中起衣物燒盡而籠故完婦女婢使悉亡其鏡數日堂下擲庭中有人聲音還汝鏡女孫年三

四歲亡之求不能得二三日乃於清中糞下啼若此
非一汝南有許季山者素善卜卦言家當有老青狗
物內中婉御者益喜與爲之誠欲絕殺此狗遣益喜
歸鄉里皆如其言因斷無纖介仲英遷太尉長史

汝南汝陽西門習武亭有鬼魅賓客宿止多死亡其
厲獸者皆亡髮失精尋問其故云先時頗已有恠物
其後郡侍奉掾宜祿鄭奇來去亭六七里有一端正
婦人乞得寄載奇初難之然後上車入亭趨至樓下
來卒徼白樓不可上云我不惡也時亦昏冥遂上樓

與婦人棲宿未明發去亭卒上樓掃除見死婦大驚
走白亭長亭長擊鼓會諸廬吏共集診之乃亭西北
八里吳氏婦新亡以夜臨殞火滅火至失之家卽持
去奇發行數里腹痛到南頓利陽亭加劇物故樓遂
無敢復上

謹按北部督郵西平郵伯夷年三十所大有才決長
沙太守郵君章孫也日晡時到亭勅前導人便留錄
事掾白今尙早可至前亭曰欲作文書便留吏卒惶
怖言當解去傳云督郵欲於樓上觀望亟掃除須臾

便上未冥樓鐙階下復有火勅我思道不可見火滅
去吏知必有變當用赴照但藏置壺中耳旣冥整服
坐誦六甲孝經易本訖卧有頃更轉東首以挈巾結
兩足幘冠之密拔劍解帶夜時有正黑者四五尺稍
高走至柱屋因覆伯夷持被掩足跣脫幾失再三徐
以劍帶擊魅脚呼下火上照視老狸正赤略無衣毛
持下燒殺明旦發樓屋得所髡人結百餘因從此絕
伯夷舉孝廉益陽長楚辭云驚令屍亡泝江而上到
嶧山下蘇起蜀人神之尊立爲王漢淮陽太守尹齊

其治嚴酷死未及殮怨家欲燒之屍亦飛去見於書
傳樓上新婦豈虛也哉

世間多有伐木血出以爲恠者

謹按桂陽太守江夏張遼叔高去隰令家居買田田
中有大樹十餘圍扶疏蓋數畝地播不生穀遣客伐
之有赤汁六七斗出客驚怖歸以其事白叔高大怒
老樹汁出此何等血因自嚴行復斫之血大流灑叔
高使先斫其枝上有一空處見白頭公可長四五尺
忽出往赴叔高叔高乃逆格之凡殺四頭左右皆怖

風俗通義 卷之九
伏地而叔高恬如也徐熟視非人非獸也遂伐其木
其年司空辟侍御史兗州刺史以二千石之尊過鄉
里薦祝祖考白日繡衣榮羨如此其禍安居春秋國
語曰木石之恠夔魍魎物惡能害人乎

世間多有蛇作恠者

謹按車騎將軍巴郡馮緄鴻卿爲議郎發綬笥有一
赤蛇可長二尺分南北走大用憂怖許季山孫字窻
方得其先人秘要緄請使卜云君後三歲當爲邊將
控地四千里官以東爲名復五年爲大將軍南征

此吉祥也鴻卿意解實應且惑居無幾拜尙書遼東
太守廷尉太常會武陵蠻夷黃高攻燒南郡鴻卿以
威名素著選登亞將統六師之任奮虓虎之勢後爲
屯騎校尉將作大匠河南尹復再臨理官紀數方面
如寧方之言春秋外蛇與內蛇鬪文帝時亦復有此
傳志著其云爲而鴻卿獨以終吉豈所謂或得神以
昌乎

世間人家多有見赤白光爲變恠者

謹按太尉梁國橋玄公祖爲司徒長史五月末所於

中門外卧夜半後見東壁正白如開門明呼問左右左右莫見因起自往手按摸之壁自如故還牀復見之心大悸動其旦子適往候之語次相告因爲說鄉人有董彥興者卽許季山外孫也其探贖索隱窮神知化雖眚孟京房無以過也然天性褊狹羞於卜術間來候師王叔茂請起往迎須臾便與俱還公祖虛禮盛饌下席行觴彥興自陳下土諸生無他異分幣重言甘誠有踧躅頗能別者願得從事公祖辭讓再三爾乃聽之曰府君當有恠白光如門明者然不爲

害也六月上旬雞鳴時南家哭聲吉也到秋節遷北
行郡以金爲名位至將軍三公公祖曰恠異如此救
族不暇何能致望於所不圖此相饒耳到六月九日
未明太尉楊秉暴薨七月二日拜鉅鹿太守鉅邊有
金後爲度遼將軍歷登三事今妖見此而應在彼猶
趙鞅夢童子裸歌而吳入郢也

風俗通義恠神卷第九

Blank page with vertical lines.

風俗通義山澤卷第十

漢 汝南應劭撰

孝經曰聖不獨立智不獨治神不過天地同靈造虛由立五嶽設三台傳曰五嶽視三公四瀆視諸侯其餘或伯或子男大小爲差尙書咸秩無文王者報功以次秩之無有文也易稱山澤通氣禮名山大澤不以封諸侯故積其類曰山澤也

五嶽

東方泰山詩云泰山巖巖魯邦所瞻尊曰岱宗岱者

始也宗者長也萬物之始陰陽交代雲觸石而出膚寸而合不崇朝而徧雨天下其惟泰山乎故爲五嶽之長王者受命易姓改制應天功成封禪以告天地孔子曰封泰山禪梁父可得而數七十有二岱宗廟在博縣西北三十里山虞長守之十月曰合凍臘月曰涸凍正月曰解凍皆太守潔齋親自侍祠若有穢疾代行事法七十萬五千三牲燔柴上福脯三十胸縣次傳送京師四嶽皆同王禮南方衡山一名霍山霍者萬物盛長垂枝布葉霍然而大廟在廬江潯縣

西方華山華者華也萬物滋然變華於西方也廟在
弘農華陰縣北方恆山恆者常也萬物伏藏於北方
有常也廟在中山上曲陽縣中央曰崇高崇者高也
言高大也詩云崇高惟嶽峻極于天廟在潁川陽城
縣

謹按尙書歲二月東巡狩至于岱宗柴岱宗泰山也
望秩于山川遂見東后東后諸侯也合時月正日同
律度量衡修五禮五玉三帛二牲一死贄五月南巡
狩至于南嶽南嶽衡山也八月西巡狩至于西嶽西

嶽華山也十二月北巡狩至于北嶽北嶽恆山也皆如岱宗之禮中嵩高也王者所居故不巡焉巡者循也狩者守也道德太平恐遠近不同化幽隱有不得所者故親自行之也所以五載一出者蓋五歲再閏天道大備嶽者捋功考德黜陟幽明也

四瀆

河出燉煌塞外崑崙山發源注海易河出圖聖人則之禹貢九河旣道詩曰河水洋洋廟在河南滎陽縣河隄謁者掌四瀆禮祠與五嶽同江出蜀郡湔氏徼

外嶠山入海詩云江漢陶陶禹貢江漢朝宗于海廟
在廣陵江都縣淮出南陽平氏桐栢大復山東南入
海禹貢海岱及淮淮沂其乂詩云淮水湯湯廟在平
氏縣濟出常山房子贊皇山東入沮禹貢浮于汶達
于濟廟在東郡臨邑縣

謹按尙書大傳禮三正記江河淮濟爲四瀆瀆者通
也所以通中國垢濁民陵居殖五穀也江者貢也所
出珍物可貢獻也河者播也播爲九流出龍圖也淮
者均均其勢也濟者齊齊其度量也

林

謹按詩云殷商之旅其會如林傳曰山林之士往而不能反禮記將祀泰山必先有事於配林林樹木之所聚生也今配林在泰山西南五六里予前臨郡因侍祀之行故往觀之樹木蓋不足言猶七八百載間有衰索乎

麓

謹按尚書堯禪舜納于大麓麓林屬於山者也春秋沙麓崩傳曰麓者山足也詩云瞻彼旱麓易稱卽鹿

無虞以從禽也

京

謹按爾雅丘之絕高大者爲京謂非人力所能成乃天地性自然也春秋左氏傳莫之與京國語趙文子與叔向游於九京今京兆京師其義取於此

陵

謹按詩云如山如陵易曰伏戎于莽升其高陵又天險不可升地險山川丘陵春秋左氏傳曰殽有二陵其南陵夏后皋之墓也其北陵文王之所避風雨也

穀在弘農澠池縣其語曰東穀西穀澠池所
周單子會晉厲公於加陵爾雅曰陵莫大於
其獨高厲也陵有天生自然者今王公墳龍
也

丘


謹按尙書民乃降丘度土堯遭洪水萬民皆
居以避其害禹決江疏河民乃下丘營度
而邑落之故丘之字二人立一上一者地
中央下像形也詩云至于頓丘宛丘之下論

之賢丘陵也爾雅曰天下有名丘五其三在河南二
在河北

墟

謹按尙書舜生姚墟傳曰郭氏之墟墟者虛也郭氏
古之諸侯善善不能用惡惡不能去故善人怨焉惡
人存焉是以敗爲丘墟也今故廬居處高下者亦名
爲墟姚墟在濟陰城陽縣帝顓頊之墟闕伯之墟是
也

阜



宋有孟諸楚有雲夢吳有具區齊有海隅燕有昭餘
祁鄭有圃田周有焦獲今漢有九州之藪揚州曰具
區在吳縣之西荊州曰雲夢在華容縣南今有雲夢
長掌之豫州曰圃田在中牟縣西青州曰孟諸不知
在何處兗州曰大野在鉅鹿縣北雍州曰弦蒲在汧
縣北蒲谷亭幽州曰奚養在虎縣東冀州曰泰陸在
鉅鹿縣西北并州曰昭餘祁在鄆縣北其一藪推求
未得其處尙書紂爲逋逃淵藪春秋左氏傳曰山藪
藏疾又曰藪之薪蒸虞侯守之是也

風俗通義

澤

謹按尚書

水草交厝

也春秋左

漁雷澤雷

沆

謹按傳曰

之無水斥

沛

謹按尙書春秋公羊傳齊桓公循海而東師大陷沛澤之中左氏傳齊景公田于沛招虞人以弓傳曰送逸禽之超大沛沛者草木之蔽茂禽獸之所蔽匿也

湖

謹按春秋國語伍子胥諫吳王與我爭五湖之利非越乎及越滅吳范蠡乘扁舟如五湖湖者都也言流瀆四面所隈都也川澤所仰以溉灌也今廬江臨湖丹陽蕪湖縣是也

陂

謹按傳曰陂者繁也言因下鍾水以繁利萬物也今陂皆以溉灌今汝南富陂縣是也

渠

謹按傳曰渠者水所居也秦時韓人鄭國穿渠孝武帝時趙中大夫白公復穿渠故其語曰田於何所池陽谷口趙國在前白渠起後舉插爲雲決渠爲雨涇水一石其堊數斗且漑且糞長我稷黍衣食京師數百萬口又鄭當時穿渠以利漕道若此非一官民俱賴其饒焉

溝

謹按周禮溝者溝也廣四尺深四尺漢書高祖與項羽要割鴻溝以東爲楚是也鴻溝在滎陽縣

洫

謹按周禮十里爲成成間廣八尺深八尺故謂之洫
論語曰禹盡力乎溝洫

風俗通義山澤卷第十

廣陵邱

義卿
紹周

監刻

揚州張旭東刊

風

姓


俗

氏

通

篇





風信通姓氏篇原序

萬類之中惟人爲貴春秋左氏傳官有世功卽有官族邑亦如之公辛譏衛滅邢論語貶昭公娶於吳謂同姓也蓋姓有九或氏於號或氏於諡或氏於爵或氏於國或氏於官或氏於字或氏於居或氏於事或氏於職呂號唐虞夏殷也呂諡戴或宣穆也呂壽王公侯伯也呂國曹魯宋衛也呂官司徒司空司城也呂字伯仲叔季也呂居城郭園池也呂事巫卜陶匠也呂職三鳥五鹿青牛白馬也

廣韻 太平御覽

澍按廣韻又引姓氏篇序云凡氏之興九事一氏於號唐虞夏殷是也四氏於國齊魯宋衛是也又云凡氏於諡戴或宣

穆是也凡氏於字伯仲叔季是也又
也氏於居者城郭園池是也氏於職
高構傳引風俗通云姓有九種或曰
御覽所引微異皆是目意改刪非也
氏族論引巫卜佻巫乙亦非

風俗通姓氏篇

漢泰山太守汝南應劭纂

或威張

澍編輯補注

姓氏篇上

澍校顏師古注急就篇云應劭纂風信通多設人姓而爲章句偶讀斯效急就之爲也又校史記荀卿列傳集解引徐廣曰爲應劭氏姓注亦卽此篇曰篇爲注恐誤

東方氏伏羲之後帝出於震佐東方子孫因氏焉平原厭次澶

大中大夫東方朔

鄭樵氏族略 胡三省通鑑注 吳會能改齋漫錄

澍校路史注引云東方氏伏羲氏之後出於女媧

東陵氏秦東陵侯邵平之後又齊景公時有隱居東陵者氏焉

神仙傳有東陵聖母

鄧名世古今
姓氏辨證

澍按氏族略引云東陵氏東陵侯邵平子孫氏焉無齊景公
曰下數語又按博物志東陵地名聖母姓杜名姜應氏曰聖
母姓東陵誤矣一云女邢姓師劉綱能易形變化適海陵杜
氏漢帝賜號東陵聖母或謂為晉康帝時人者誤劉遴之神
異錄聖母廣陵人神仙傳海陵人

東郭氏東郭牙齊大夫東郭威陽其後也

司馬貞史
記索隱

澍按桓公謀伐莒謀未發而牙知之見呂氏春秋又左傳齊
有東郭偃東郭賈即大陸子方孔叢子東郭亥欲攻田氏執
費見夫子而訪焉呂氏春秋秦相百里奚齊使東郭蹇如秦

平準書食貨志東郭咸陽齊之大鬻鹽也官大農丞領鹽鐵事

東關氏晉東關嬖五之後溼有將軍北亭侯東關義

辨證

澍按鄧名世云東關晉之門名其先晉守關大夫呂地爲氏義卽其後不可云嬖五後也

中氏溼有少府中京

李賢後溼書注


澍按廣韻引府下有卿字又北海相景君碑有修行中香字

季連劇人

中行氏溼有諫議大夫中行彪晉中行偃之後

後溼書注

澍按溼有燕人中行說爲宦者降匈奴師古云行音胡郎反



氏族略

澍按姓纂云蒙氏高陽後封呂爲蒙雙有蒙氏雙氏又按管子齊有蒙孫佐桓公大霸者


重氏顓頊帝重黎之後少昊時重爲南正司天之事黎爲北正司地之事氏族略

澍按少昊四叔重該修熙焉知重非句芒之後乎又逸周書重氏伐有劓又重巨氏呂美女遺青陽皆宜有後也耿弇傳大槍渠帥重異或作重遇又作重連

公乘姓也魯有公乘子皮見列女傳

張說姓源韻譜

澍按晉書音義引上四字又按公乘秦第八爵當是巨爵爲



族進階鼻扶風魏齊卿苾危言深論不隱豪彊自公卿呂下
莫不畏其貶議屣履到門


公賓氏公賓姓也魯大夫公賓庚之後漢有校尉公賓就東海

人通鑑注

澍校魯一佻晉庚一佻庚均誤左哀公八年傳吳伐我克東
陽而進公賓庚公甲叔子弁戰於夷獲叔子弁析朱鉏獻於
吳子又一引無校尉二字公賓就卽斬王莽嘗者

公旗氏戰國策齊威王時左執法公旗蕃左傳齊悼子公旗之
後林寶元
和姓纂

澍校姓源引云齊悼公子子旗之後



澗按琴操九曰楚引楚游子龍巨高所作也文選注引琴操云龍巨高出游三季思歸故鄉望楚而長嘆故曰楚引氏族略引云龍巨氏漢有高士龍巨萇吳郡人

雍氏文王子雍伯之後

氏族略

澗按鄭莊夫人雍媾國姓纂云宋之雍氏本媾姓寰宇記雍氏黃帝後媾姓是矣是雍不止文王後也鄭有雍糾齊有雍廩漢有雍齒封什邡侯


功氏晉大夫司功景子之後或去司單爲功氏

辨證

弓氏魯大夫叔弓之後漢有光祿勳弓肅

姓

澗按漢有帶方太守弓遵見魏志



樹校論語疏隨侯姓祝名元暢是隨侯姓祝也茲當云隨國
之後爲審光或時有偏將軍隨弟弟音悌

義氏堯卿義仲之後


廣韻

樹校太平寰宇記廢城塘縣在州西北一百一十里隨末縣
令義士暄置有城塘曰爲名

卑氏鄭卑諶之後溼有北平太守卑躬讓郎卑整

廣韻

樹校後溼書注引云卑氏鄭大夫卑諶之後溼有卑躬爲北
平太守胡太傅碑有太傅掾雁門卑整袁宏紀作畢整誤後
溼皇后紀熹平四季小黃門趙祐議郎卑整上言云春秋之
義母曰子貴今冲帝母虞大家質帝母陳夫人皆誕生聖皇



佗雅琴師氏八篇

辯證

澗校博古圖周有師睪又殷有師涓師延魯有師乙師摯師
金鄭有師叔師悝魏有師經未必皆後於師曠是師姓久矣
不自曠始也而氏族畧引云師氏師樂人瞽者之稱晉有師
曠魯有師乙鄭有師悝師觸師謁師成舜此異

師尹氏師尹三公官也呂官爲姓周有尹喜尹吉甫

孔穎達
毛詩疏

澗校金石錄補引佗三公官氏也又按崧高詩注云尹官氏
也蓋呂尹爲官呂吉爲姓不連師字

尸氏其先封尸鄉後呂爲氏秦有尸佼爲商君師著書

廣韻

澗校氏族略引云尸氏其先封尸鄉因呂爲氏齊相有尸臣

昇廣韻引不同又按漢書注尸子魯人鞅死使逃入蜀作尸

子二十篇凡三萬餘言魯一佗晉

邳氏奚仲爲夏車正自薛封邳今泗州故下邳郡卽其地也其

後爲氏後漢有衛尉信都邳彤

廣韻氏族略通鑑注

澍棧邳彤在雲臺二十八將中字偉君

伊氏卽伊祁氏之後也裔孫伊尹名摯相湯生陟奮漢有議郎

伊推父伊嘉爲雁門都尉后顯黨

氏族略

澍棧水經注百蟲將軍顯靈碑云將軍姓伊氏諱益字贗敬

帝高陽之第二子伯益者也昆伯益姓伊矣又云有莘氏

采桑伊川得嬰見於空桑中言其母孕於伊水之濱夢神告

之云云華女取而獻之命養於庖長而有賢德殷目爲尹曰
伊尹也是伊目地爲氏者又按儒林傳伊推爲公辛學官侍
郎嘉又爲御史中丞王莽封伊平奉伊尹後

纍氏嫫祖之後或爲纍氏左傳晉七輿大夫纍虎

辯證

澍按氏族略引無或爲纍氏四字纍虎舜共等叔堅騅歇特
宮山祁等皆墨克平豹之黨


鳴夷氏范蠡適齊爲鳴夷子皮後人目爲氏

辯證

澍按氏族略引云鳴夷氏本范蠡自號也視此略

皮氏周卿師士樊仲皮之後漢有皮尙後漢有諫議大夫皮究

氏族略



澍按辯證引云司寇氏蘇忿生爲周或王司寇支孫氏焉無末數句

司鴻氏古有司鴻荀著書渙有諫議大夫司鴻儻

辯證

澍按氏族略引佗中大夫一引諫下無議字

司馬氏出程伯休父重黎氏世序天地封爲程國伯休父字也其後爲司馬氏


氏族略

澍按左傳晉有司馬寅司馬齊秦有司馬鎡衛有司馬食其司馬狗國策魏有司馬喜

司功氏晉大夫有司功景子士丐弟佗因官氏焉

氏族略

澍按路史注引無士丐目下八字世本云晉士丐弟佗爲晉




澍按左傳晉有大夫綦母張國策之綦母生卽綦母恢又按
漢胡毋班蔡邕集作綦母班劉表弁綦母闔共定五經章句
旗氏齊卿公孫竈之孫樂施字子旗子孫曰王父字爲氏後漢
有九江太守旗况氏族略

澍按廣韻引作旗光鄧名世辨證作旗汎鄭樵又作旗况宜
曰孫恂作旗光爲是

差氏人姓急就篇

澍按左傳疏云差車鮑氏臣又按哀公十六季莖子問帥於
太師子穀子穀曰右領差車拜左史老皆相令尹司馬曰伐
陳其可使也是齊莖俱有差車



有郎賁麗善爲星注音肥

非氏周有非子伯益之後遼有大司農非調

廣韻

澍按韻會引云周有非子卽嬴秦祖不知所據百官表非調由光祿大夫爲司農亦見河渠志又按晉朗碑葬永寧侯相碑非子皆作扉子

魚氏宋公子魚賢而有謀呂字爲族有魚石魚府

廣韻

澍按氏族略引云宋桓公子公子目夷字子魚子孫曰王父字爲氏遼有長安富人魚翁叔

魚孫氏宋魚石奔林之後

羅泌路史注

澍按魚石奔莒其孫在國者因呂爲魚孫氏羅泌引奔林林

字脫下體疋丛有闕文宜云魚石奔楚其後呂魚孫為氏也

余氏秦由余之後

廣韻 氏族略 通鑑注

澍按國語潞洛泉余滿皆赤狄隗姓也應氏說疏

夫餘氏吳公子夫概奔楚其子在國呂夫餘為氏今百濟王夫

餘是也

廣韻

澍按其子在國氏族略引作餘子在吳無末句

諸氏溘有洛陽令諸於

廣韻 容齋隨筆

澍按溘洛陽令語施話音詭從工從白非諸於也因形近而

訛又按呂氏春秋齊簡公之臣諸御鞅說苑楚人諸御已又

云越有諸發執一枝梅遺梁王

諸葛氏葛嬰爲陳涉將軍有功而誅濫文追錄封其孫諸縣侯

因呂爲氏

廣韻 裴枯之吳志注
氏族略 通鑑注

澍按一引無軍字文下有帝字封下無其孫二字又一引無

縣字均脫誤濫有司隸校尉諸葛豐濟陰太守諸葛禮

儲氏齊大夫儲子之後王莽時有儲夏

後濫
書注

澍按濫書儲夏自請願說瓜田儼莽呂爲中郎東觀漢記光

或勅趙熹從騎都尉儲融受兵二百人通利道路鮑永傳光

或遣諫議大夫儲大伯持節徵永永收繫大伯

渠巨氏晉有渠巨公乃莒也

路史國
名記

澍按左傳成八年申公巫臣會渠巨公注曰城陽縣有渠巨

墨寶字記莒子朱居爲渠

者齊亦有渠丘乃雍廩邑

母車氏漢有樂安母車伯奇

母車府君步主簿

廣韻

於陵氏陳仲子齊世家辭爵

於陵欽

急就章注

澍按列女傳有於陵子終

二十三卷

區氏歐冶子之後轉區氏又

景長沙人至蒼梧太守

氏族略

澍按博爲中郎將非郎中又按水經注區景乃蒼梧太守長沙吳巨之都督也景爲步隲所殺未爲太守此文有脫誤桂陽太守周憬碑有曲紅長區祉字景賢

沮氏也黃帝時史官沮誦之後溇有射聲校尉沮儁

溇書注

澍按呂氏春秋晉侯使沮麇賊趙盾左傳佗鉏麇韓子吳有盛融弁沮衛獯荆袁山柎書曰沮儁季二十五爲李催殺其督戰訾寶負其尸而瘞之又按袁紹謀士沮授廣平人袁尙將沮鵠守邯鄲死於戰

瞿氏溇有溇南太守瞿茂

急就章注

澍按莊子齊物論瞿雛子問於長梧子而太平寰宇記溇時

蜀有瞿雛子登仙歷

巫氏凡氏於事巫卜陶

澗梭氏族略引云巫

巫都著養性經又按

卽此人

須姓太昊之後廣韻太昊

務本史記魏有須賈

澗梭漢有須誦爲

東觀記

廬氏古廬子國後有

澍按國語注廬瑩邑戡犁爲廬大夫其後目爲氏

蒲氏漢有詹事蒲昌又有蒲遵

廣韻
氏族略

澍按蒲衣八歲爲舜師蒲姓始此又有扈氏之後有蒲氏蒲

昌潁川人字君都受詩於匡衡或作滿意

屠氏漢末有屠景先河東人

氏族略

澍按晉太史屠黍預知晉君中山國之亾見呂氏春秋淮南

子諸書又晉有屠蒯屠岸賈秦有都尉屠睢

屠門氏琴引有秦屠門高

路史注

澍按一引秦下有倡字王莽傳有杜陵屠門少假號稱漢將

胡母氏本陳胡公之後也公子完奔齊遂有齊國齊宣王母弟

風俗通姓

別封母鄉

母班

廣韻注

澍校溼

張遜等

母班爲

極恠又

母生卽

著書稱

若集辛

胡非氏胡

有胡非子著書

姓

澍校胡非子墨翟弟子蒧文志有胡非子三篇

壺氏澐有諫議大夫壺遂

廣姓

大鴻臚壺充國

纂姓

澍校史記晉世家有壺叔呂覽作陶狐說苑作陶叔狐壺遂

昇司馬遷共定律厯壺充國隨司馬相如開西南夸者袁宏

澐記有侍中壺崇百官表執金吾壺信英雄記有冀州牧壺

壽

塗姓塗山之後氏

後澐書注

澐有諫議大夫塗惲

廣韻氏族略

澍校塗惲字子真杜陵人受尚書於胡常氏族略日子真昇

惲爲二人誤矣

西鄉氏宋大夫西鄉鎰之後見世本尸子有隱者西鄉曹辨證氏

族略

澍梭路史注引無之後目下十一字

注氏注音圭藻有大鴻臚注丹

廣韻後漢書注

澍梭注丹字子玉南陽人伯易通論七篇易家宗之見儒林

傳又注弘字孟為符節令從嬴公受春秋一伯睦弘

黎氏九黎之後尚書西伯戡黎亦見毛詩

氏族略

澍梭呂氏春秋或王封堯後於黎氏廣韻黎侯國之後

鞮氏晉銅鞮伯錡之後晉之別邑也又有銅鞮氏

氏族略

澍梭鞮氏當昆周官鞮人目官為氏者鄭樵目為東鞮之後

誤矣

稽氏黃帝臣太山稽之後稽黃秦賢人也漢貨殖有稽發

氏族略

來氏子姓商之支孫采食於邾因曰爲氏其後避難去邑齊有

來章秦末徙義陽之新野楚有來英漢功臣表軟侯來蒼

氏族略

澍按來蒼在高祖時明帝世有度遼將軍來苗

哀氏魯哀公之後因諡曰爲姓漢王莽時有哀章梓潼人

後漢書注

急就章注

澍按哀章袁宏漢紀作襄章莊子衛人哀駘宅貌惡魯哀公

召而觀之是哀公時已有哀姓何得云爲哀公後乎

臺氏奩天氏裔孫曰臺駘其後氏焉漢有侍中臺崇

廣韻臺書注後

盧作通姓曰篇

澍按山陽公載

討有辜也逸民

枚氏六國有賢人

澍按司馬貞云

宏農都尉枚垂

客枚赫

裴氏伯益之後

後書

澍按非子孫鍼

王世徒封解邑

東

真氏漢有太尉長史真祐

廣韻
氏族略

澍按呂氏春秋禹得皋陶化益真窺橫革之交五人佐禹是
真氏始夏世也漢有太醫令真欽董賢使求傅氏舉者

申徙氏本申屠氏隨音改爲申徙氏申徙狄夏賢人也揚目天
下授之恥目不義聞也自投於河申徙嘉兀者鄭人也見莊子
漢有西河太守申徙建

氏族
略

澍按急就章引云申屠氏申屠狄後也今莊子云申屠嘉兀
者也鼻鄭子產同師於伯昏無人鄭樵引脫嘉字据補又按
建先爲更始繡衣御史後爲西屏大將軍文帝時丞相申屠
嘉七世孫申屠剛又申屠蟠字子龍百官表有茂陵申屠博

次孫爲京兆尹

垣氏秦邑也因曰爲姓秦始皇

注書

澗按今史記佗桓齮東觀漢

稱輔漢將軍氏族略引云後

爲其將垣副所殺又一引

新垣氏魏將新垣衍畢公高

也氏族略

澗按陳畱風信傳畢公封

改爲梁垣氏孔叢子魏有

春氏楚相黃歇春申君之後氏族略

澍按尚書大傳齊宣王時有春子名衛呂氏春秋齊有春居

一作香居未必係黃歇後也在黃歇之先

神氏神農之後溼有騎都尉神曜廣韻

泗按路史注引云溼有神曜出神農又按黃帝臣有神皇直


昇力牧等討蚩尤者神氏宜出此

頻氏溼有酒泉太守頻暢廣韻容齋隨筆

澍按氏族略引作頻陽誤

涓于氏春秋時之小國也桓公五季不復其國子孫目國為氏

氏族略



畏呂氏春秋吳王闔閭臣文之儼墨子作文義陳有大夫文

之錯溘有廬江文翁名黨

勤氏魯大夫有勤成

路史注 辯 證 氏族略

芸氏晉有大夫芸賢本雲姓春秋時改芸姓纂

澍按戰國策晉大夫有芬質此作芸賢氏族略又引作芬賢

未詳孰是姑分載之

芬氏晉大夫芬賢見戰國策

氏族略

殷氏氏於號唐虞夏殷是也

王應麟急就章補注

澍按廣韻云或王克紂子孫分散目殷為氏又按國策衛有

殷順且秦有會稽太守殷通東觀記殷肅弁班固善一作段

蕭儒林傳方房授易於東海殷嘉嘉爲博士又陳翁生授尙
書於琅邪殷崇百官表中尉殷容

聞人氏少正耶魯之聞人其後氏焉濼有太尉聞人襲又太子

舍人聞人通濼論后渠至中山中尉

後濼
書注

澍校氏族略引云少正耶魯之聞人其後遂曰聞人爲氏然
聞達之人皆謂之聞人何必少正耶曰惡聞也濼有太子舍
人聞人通濼沛人治后氏禮通鑑注引無濼有曰下二十三
字又校襲字定卿通濼字子方均沛人

園氏氏於居城郭園池是也濼四皓園公

廣
韻

澍校園公陳畱傳作園公一云園公名庾襄邑人

澍按播執官名非姓當作子孫目官爲氏

左丘氏魯左丘明之後

陸德明經典釋文 史記注

澍按左丘複姓其稱左氏者避孔子諱或謂爲楚人左史倚相之後者誤也

左行氏晉先蔑爲左行其後目官爲氏溇有御史左行恢急就章

謝丘氏周宣王支子食采於謝丘因目爲氏古今人表溇有謝

丘章魯人

姓纂氏族略

澍按一引無丘字支子作第三子氏族略引云魯有謝丘章又引古今人表上有溇書二字

夜氏夜姓也溇靈帝時雒陽男子夜龍目弓箭射北闕龍有從

兄陽

辯證

樹校五行志光和中雒陽男子夜龍目弓箭射北闕吏收考問辭居貧負責無所聊生因買弓射目射近射祆也風信通龍從兄陽求臘錢龍假取繁數頗厭患之陽舛錢千龍意不滿欲破陽家因持弓矢射之或東闕三發吏士呵縛皆服帝詔惡惡止其身龍目重論陽不坐

放氏放齊之後

路史

暢氏出姜姓齊後有暢惠明著論語義註十卷

辯證

樹校陳畱風信傳云溇暢曾著水德經一卷

匠氏凡氏於事巫卜陶匠是也

廣韻

古有匠石

氏族略

澍按司馬彪莊子注匠石字伯尚文選注字伯夔

望氏齊太公望之後

辯證氏族略

澍按春秋運斗樞帝堯時有臨侯望博是望姓不始呂望也

曠氏師曠之後

氏族略

澍按羅泌云曠卽鄭字書鄭古國是謂曠爲目國姓者非師曠之後

聃氏新鄭人揚聃邨在縣西二十五里聃音頃

氏族略

澍按集韻聃所嫁切音頃姓也出新鄭

敬氏陳敬仲之後溁有揚州刺史敬歆平陽人

廣韻通鑑注

澍按說苑齊有狂卒敬居善畫一作敬君鄧元亞謂秦溁目

冉無此氏矣唐宰相表歆作韶又棧歆有碑在正平縣北
二十里墓側碑略可辯者嘗辟司隸從事又爲治書侍御史
最後云季五十三光和四季閏月遭疾卒

丙氏齊大夫丙馱之後溼貨殖傳魯人丙氏功臣表高宛侯丙

倩廣韻

樹棧廣韻引云齊有大夫丙馱又棧丙氏空爲齊懿公臣丙
茂之後百官表太子太傅丙吉爲御史大夫

令氏楚令尹子文之後溼有中大夫令勉

史記索隱

樹棧溼書文帝六年目中大夫令勉爲車騎將軍屯飛狐勉
文帝紀作免徐廣目爲中大夫令是官名非也又棧西南夸

傳青衣道夷邑長令田百官表大司農令惠

右行氏晉賈瓚爲右行因官爲氏溲有御史中丞右行綽

急就章

澍校姓纂云晉屠擊將右行因氏焉又校成十八季傳右行
辛爲司空杜注辛將右行因目爲氏正義云僖二十八季晉
佗三行三十一季卽罷之彼云屠擊將右行未知此人卽屠
擊之子爲昆其祖父代屠擊也又校右行辛卽賈辛僖十季
傳有左行其琴右行賈琴晉之有右行舊矣昭十二季傳有
右行詭

右師氏宋莊公至公子申世爲右師氏溲有中郎將右師譚後

溲有博士右師細君

氏族略

風俗通姓且全

澍校孫恂一

師細君包一

救氏藻有諫一

澍校氏族一

南王從事一

另文曜楊一

畫氏畫邑齊一

澍校姓纂一

孟子宿畫一

寇氏蘇忿生一

澍按姓譜康叔爲周司寇後人遂爲寇氏顧寧人謂康叔衛國之祖無目王官氏其支庶之理今據禮記疏則寇氏爲司寇惠子之後陳畱傳寇氏自黃帝出寇恂字子翼潁川太守賈氏夏帝相遭有窮氏之難其妃方娠逃出自竇而生少康其後氏焉


廣韻通鑑注

澍按一引云夏后相遭有窮氏之難后緡方妊逃出自竇而生少康其後氏焉溘有魏其侯竇嬰

竇公氏魏文侯時樂人竇公氏獻古文樂詩書一篇

辯證

澍按桓譚新論云魏文侯時樂人竇公季百八十歲兩目皆盲文帝奇之問曰何所服食至是對曰臣季十三失明父母



澍按路史康叔之後有縣氏禮記有縣瑣縣賁父

弦氏弦子之後楚滅弦弦子奔黃呂國爲氏左傳鄭有商人弦

高辨

證

澍按廣韻引云弦氏弦子之後左傳鄭有商人弦高晉有弦
超又按弦高使其友奚施先告鄭自呂牛犒秦師見淮南子
弦超乃魏濟北郡人昇神女成公智瓊遇者此句非應氏原
文孫恂誤引也宜作弦施卽弦多齊有大夫弦章字子旗韓
非作弦商新序作弦寧溍有弦訢爲博士見儒林傳

宣氏宋宣公之後氏於諡子孫曰諡爲氏

路史注

溍馮翊雲陽人

宣秉字巨公爲大司徒司直子彪爲平菟大守

辨證

澍按氏族略引云宋宣公之後也子姓後漢有司空宣酈溱季表有安南侯宣虎急就篇引云宣氏周宣王之後注溱有

宣義宣虎

予氏乎都古諸侯國也子孫曰國爲氏

氏族略通鑑注

澍按國名記引云予氏出古乎都乎都少昊時諸侯又按列仙傳予信河間人無景

田氏陳公子完始食采於田由是改爲田氏

史記注

澍按索隱云據史文敬仲奔齊曰陳田二字聲相近遂爲田

氏正義云敬仲既奔齊不欲稱本故國號故改陳字爲田氏

二說昇仲瑗說異

鮮氏或王封箕子於鞞鮮其子食采於鞞鮮因氏焉

後漢書注

澍按鮮于血脈譜云子佗之子曰文生而有文在手左曰魚右曰芋遂姓鮮氏又按漢有鮮遂著太乙保生論一卷

鮮于氏或王封箕子於鞞鮮其支子仲食采於于因曰鮮于爲

氏通鑑注漢有平原郡尹鮮于褒纂姓

澍按漢書注引云或王封箕子於鞞鮮其子食采於鞞鮮因氏焉又按第五倫傳倫始目營長謁郡尹鮮于褒褒異之署爲吏後又薦倫於京兆尹閻興傳有上言鮮于褒宜卽褒字相侶而易漢有鮮于矣人善星麻光或時清河太守鮮于冀幽訟事見水經注

虞氏陳畱有虞氏黃帝之後莊子有虞天根

氏族略

澍按路史顓頊之孫虞仁又文王之後有虞仁氏黃帝之子十四人中無虞姓也當從羅泌謂出於顓頊者近是又莊子虞天根或引不連虞字目天爲姓繁陽令楊君碑陰有故民虞進字仲進楊震碑陰有馮翊虞建侯

騫氏閔子騫之後後溼騫宏

廣韻急就篇注

澍按氏族略引云仲尼弟子閔子騫之後其孫文目王父字爲氏閔損字子騫正字通引云溼金城騫包誤按包爲吐言渾視熊博士宏溼質帝時避地昆吾爲金城別駕因家焉包乃其後應劭溼末人安得引之熊西秦錄作熊

澍按澨之懷仁故祝其也是祝其邑地爲氏者

鄱氏鄱晉邑趙雍子奔晉晉弁之鄱曰爲謀主因邑爲氏澨

有東澨太守鄱熙

辨證

澍按澨永平通褒余言碑有鄱君鉅鹿人無名澨中郡太守也

沃氏商王沃丁之後神仙傳沃焦吳人

氏族略

沃氏太甲子沃丁

之後

廣韻

澍按一引云沃焦吳人著神仙傳疑誤又按路史云微子後有沃氏

曲氏晉穆侯封少子成師於曲沃後氏焉澨有代郡太守曲謙

辨貨殖傳有曲叔後漢有太常卿曲仲尼氏族略

澍按周書史記解有曲集氏自伐其智賢良伏匿榆州伐之而亾子孫必有巨國爲氏者又按桀臣有曲逆不必始成師也蒙恬傳秦御史曲宮

督氏宋大夫礪父督之後晉有督戎欒盈之臣漢有五原太守

督瓊氏族略
容齋隨筆

澍按廣韻引末一句瓊一引作瓊又作瓊州輔碑陰有瓊長

督匡仲英

僕氏周禮僕人之後漢有煇渠侯僕多廣韻

澍按左傳鄭有僕展楚有僕析父霍去病傳仆僕朋此仆多

昇表同功臣表云黷蕤侯僕多子電雷後呂屬國都尉擊匈奴封輝渠輝渠魯陽縣也表又有易侯僕黜師古曰黜音怛

蓐氏蓐收氏之後

路史注
氏族略

澍按蓐卽辱鄔也所謂郝鄔俱在河南有鄔山又按左傳昭元季沈姒蓐黃注四國臺駘之後昇應仲遠說異

遂氏遂秦邑也其大夫封於遂因氏焉莽濼蒙卿侯遂並王莽

大司馬遂並先爲左隊大夫

濼書注
氏族略

澍按廣韻引云濼有大司空遂並顏師古曰遂音錄字或作逮二姓皆有之又按遂並王莽篡位爲大司馬非大司馬別有遂並也並古普字應氏分爲二人誤郵壽傳並好士爲左

隊大夫也統譜于櫟字下又云王莽司馬櫟並誤矣又校遼明石勒十八隊之一也見水經注鄭氏引云後溲有遼明非矣許慎說文引遼安說

室中姓

索隱

澍按溲菽文志有室中周著書十篇室一也室王莽時室中公避地溲中溲初有室中同呂弩將破秦封清簡侯事在高帝八季

于氏河東于氏菴有大夫于衡

辯證

澍按鄧元亞云于丑六切

密須氏媯姓之國後呂爲氏

史記周本紀注

澍校杜預云澍于東北密鄉也澐有尚書密忠

濯氏古賢人濯輯之後

廣韻

澍校宜爲子濯孺子之後

栗氏古栗陸氏之後燕將有栗腹澐有栗融字容卿又有富人

栗氏長安人又景帝時栗夫人生臨江王榮

氏族略

澍校儒林傳有泰山太守栗豐授時于食子公英雄記有鄴


郡太守栗成

乙氏澐有南郡太守乙世

姓纂

澍校澐有魯相乙瑛修孔子廟奏置百石卒史瑛字少卿平

原高唐人魏略樊城守將乙修



闕氏承闕黨童子之後溼書菟文志縱橫家有闕子著書一篇

後溼書注

溼荊州刺史闕栩又有下邳賊闕宣

辨證

澍梭栩一佗栩陶謙傳下邳闕宣自稱天子謙初昇合從寇鈔後遂殺宣并其眾

謁氏古有謁者呂官爲姓後溼汝南太守謁瓊一名煥見獨行

廖扶傳又張湯小史謁居

氏族略容齋隨筆

澍梭姓譜引云古有謁者官因呂爲氏史記張湯有所愛史魯謁居是謁居姓魯否則謁居魯人廣韻引云溼有汝南太守謁渙江津人又梭萼陽國志佗謁煥墊江人汝南記江州人方術傳應氏呂爲獨行傳誤張納功德敘碑陰有守屬江

州謁恭

勃氏宋左師勃之後晉有寺人勃鞞一名勃貂辯證氏族略

澍按勃鞞一作勃披字伯楚見晉國語

葛氏葛天氏之後漢有潁川太守葛興路史注後漢有汾陰令葛

龔有文集七卷氏族略

澍按郡國志高陽有葛城又亳城百里有葛伯國非贏姓之

葛列仙傳周成王時有葛由又按韓棧傳太守葛興中風病

不能聽政棧陰代興視事也

滑氏漢有詹事滑典廣韻

澍按滑國為晉滅子孫巨國為氏又按典一引作興左傳衛

大夫滑羅莊子有滑介叔

屈侯氏魏賢人屈侯鮒史記瀛有郎中屈侯景

辨證

澍梭氏族略路史俱引作郎中令屈侯豫一佗屈侯原又梭
羅泌云屈或子瑕邑號屈侯後目爲氏其說誤宜云楚或王
子瑕食邑于屈號屈侯因氏焉

頡氏有頡衛古之賢者

廣韻

澍梭路史頡氏倉頡之後氏族略引云頡衛古之賢人

赫氏古天子赫胥氏之後又有赫胥氏

路史注

列山氏古列山氏之後一曰厲山氏卽連山氏鄭有列禦寇著

書十八篇

姓纂

澍棧呂氏春秋有列精子高齊潛王時人列山一仵烈山

鷓冠氏賓人曰鷓冠爲姓鷓冠子著書

氏族略

澍棧晉虞槃佑高士傳鷓冠子或曰楚人隱居幽山衣弊履穿目鷓爲冠莫測其名因服成號著書言道家事馮諼常師事之後顯於趙鷓冠子懼其薦已也乃昇諼絕通志略引仵褐冠誤今改正亦見袁淑眞隱傳

郭氏本自王季子郭叔之後

廣韻

又云氏於居者城郭園池是也

廣韻

澍棧夏禹御郭哀商有郭崇子昆郭不始郭叔也漢有潁川太守郭伋字細侯

獲氏宋大夫猛獲之後

氏族略

澍按廣韻引伯尹猛一伯孟獲俱譌

伯氏周公之子肫侯子孫因避地改爲伯氏溲有涿郡太守伯

顯氏族略

澍按路史云祭公後有伯氏容齋隨筆止引末句溲有涿郡

太守伯顯

博氏溲有博勞吉善相馬

辨證

澍按氏族略引云溲有博子勞善相馬廣韻云古有博勞

薄氏魏賢人薄疑溲高帝薄夫人生文帝夫人弟昭封軹侯官

至車騎將軍子戎奴嗣

氏族略通鑑注

澍按莊十二季盟薄杜預注梁國蒙縣北薄城是薄目邑
爲氏者又按衛賢人一作魏賢臣誤薄疑一作蕩疑揚震脾
陰有弘農薄君明

幕氏虞幕之後

急就章

澍按氏族略引云舜祖幕之後也幕見左傳章昭國語注爲
舜後誤

鐸氏溲有廷尉鐸政

氏族略

澍按定是司鐸目官爲氏者魯有大夫司鐸射見昭公十三
季路史鐸齊太公之後又按楚有鐸椒爲威王太傅著春秋
微三篇溲有廷尉則鐸政也鄭氏所引疑誤又按趙簡子殺

寶犖國策作鐸犖索隱云鳴犖犖字也

落氏皋落氏翟國也此赤翟別種也其地在今絳州垣縣溧有

落下閔巴郡人篡太初厯後有落氏

姓纂氏族略

澍梭春秋傳齊地有落姑或云魯地魯大夫采落宐出干落

姑氏不止赤翟一種也桓譚新論落下閔姓黃名閔雫陽國

志閔字長公益部耆舊傳隱於洛下蓋洛下閔中之地名也

諸書苾呂爲姓落下名閔誤矣劉艾溧紀滎陽賊殺中牟令

落皓

笮氏瑩有笮倫

路史注通鑑注氏族注

澍梭溧末丹陽人笮融笮一作迕音側格反

伯氏嬴姓伯益之後爲氏辨證

澍校鄧名世云萋姓伯益之後

栢氏古帝有栢皇氏其後稱栢氏焉急就章栢皇氏之裔又栢亮

父顓帝師栢招帝譽師栢景爲周太僕栢國在今蔡州西平縣

爲桎所滅子孫曰國爲氏溲有栢英爲大鴻臚氏族略

澍校栢招一佗伯昭景卽伯罔一佗伯羿

栢成氏堯時諸侯栢成子高姓纂

澍校栢成子高一云卽栢高舊說岐伯名栢高非也栢成疑

非複姓

栢侯氏栢成子高堯時諸侯也因氏焉溲有尚書令栢侯奮管

寧從栢侯子安受春秋子安南陽人

氏族略

澍棧栢侯一佯白侯音之轉吳張昭亦從白侯子安受左氏

鬲氏偃姓皋陶後

國名紀

澍棧夏諸侯有鬲氏後姓書曰爲出膠鬲謬

白象氏白象先生古賢人隱者

辨證

澍棧溼菽文志雜家有伯象先生一篇應劭曰蓋隱者也故

公孫敖難曰無益世主之治伯昇白同

白鹿氏白鹿先生古賢人著書

氏族略

白馬氏微子乘白馬駟周因氏焉

氏族略

櫟陽氏溼景丹封櫟陽侯丹曾孫汾避亂隴西因封爲氏焉

氏族

百里氏秦百里奚之後其先虞人家於百里因氏焉後漢徐州

刺史吉陽亭侯百里嵩陳畱人

氏族略

澍梭嵩字景山傳車所到屬縣膏雨墓在封丘

赤氏帝嚳師赤裕子之後見神仙傳

氏族略

澍梭神農臣赤冀佗杵曰卽赤奮若也顯頊師赤誦卽赤格
又黃帝木工赤將子輿

射氏出自晉大夫號射之後呂王父字爲氏

辯證

漢有大鴻臚射

咸大典星射姓

姓纂

澍梭三輔決錄射咸本姓謝名服天子目爲將軍不祥改之

咸路史引作威清河相射嵩見天文志射姓見律厯志大字
不昇典星連爲侍郎尊之名也

管氏管邑名周大夫封管因氏焉溇有烏傷令管登

國名記
氏族略

澍按路史云管一佗夕故有夕侯後有管氏夕氏其說非管
雖通夕然夕爲蠻姓蜀有之管則管陽呂地爲氏也

析氏衛公族大夫析朱鉏之後朱鉏公子黑肩之後呂王父字
爲氏齊有大夫析歸父後溇析像通京氏易像者鬱林太守析
國之子也廣溇雒縣人入後溇方術傳

氏族
略

澍按析卽浙川春秋白羽地南陽析縣也近人作折者非廣
韻引云齊大夫有析歸父

職氏周禮有職方氏其後因官爲姓溱有山陽令職洪廣

食氏食我韓公子也見戰國策溱有食于公爲博士蕭該音義

澍按廣韻引云溱有博士食于公河內人又按儒林傳佗食

子公燕人蔡謚受詩于同郡食子公食生爲博士氏族略引

佗食子公河南人誤

息氏息侯之後子孫呂國爲姓溱有息夫躬河內人路史注

澍按息侯國楚文滅之蔡有古息城

息夫氏息公子邊爲大夫因氏焉溱有光祿大夫息夫躬世居

河內河陽氏族略

裔氏古裔夫子孫因氏焉氏族略

澍按路史周桓王之後有嗇氏

直氏楚人直躬之後溲有御史大夫直不疑封塞侯

辨證

澍按呂氏春秋禹臣有直成一作真窺國語晉之先直柄蔡
邕碑有直父一作真父誤

力氏黃帝臣力牧之後溲有魯相力懸溲未有力子都爲盜

姓纂

澍按羅泌謂力牧宜作刀牧非也帝王世紀黃帝夢有人執
干鈞之弩牧羊大澤占曰必有異力之人而能牧天下觀此
則爲力無疑力牧摘象輔佐力墨力子都或作刁子都

翼氏晉翼侯之後溲有諫議大夫翼奉

辨證

澍按翼奉字少君下邳人治齊詩尤精律厯陰陽之術莪文

志孝經有翼氏說一篇

即氏其先食采即墨因吕命氏溲有單父令即賣

氏族略廣
顧容齋隨

筆

澍按氏族略引賣作費疑誤

即墨氏田單守齊即墨有功因吕命氏溲有城陽相即墨成齊

人受易於田何

辯證

澍按即墨成爲城陽相受易于淄川楊何也見儒林傳

墨夷氏宋大夫有墨夷須墨夷鴻

辯證

澍按世本宋襄公子墨夷須爲大司馬其後有墨夷皋又按

氏族略引鴻作皋

稷氏堯時棄爲后稷子孫呂官爲氏漢有上津令稷嗣

辯證

樹核列仙傳有稷巨君泰山道士又按漢王拜叔孫通爲博士號稷嗣君徐廣云言其德業繼踪稷下之風流也漢書音義曰稷嗣邑名此上津令稷嗣當用叔孫通之號爲名也

墨胎氏孤竹之國君姓墨胎氏

姓纂

澠按路史引云墨胎氏伯夷叔齊姓也卽墨怡怡音肩又按澠地理引應劭云伯夷之國君姓墨胎氏墨胎氏名初字子鞠伯夷叔齊父也見春秋少陽篇又禹師墨如或云墨台

北唐氏晉有高人隱於北唐因爲氏漢有北唐子真治京氏易

急就章注

澍校氏族略引英賢傳高人下有越者二字隱下有伏字

北澍氏古有劉河者處於北澍其後曰為氏田和有大夫北澍

子高姓纂

澍校氏族略引英賢傳昇此文全同惟田和句作吳大夫有

北澍子高

龔氏竇人七姓有龔氏急就篇後澐有益州將龔蓋卿辯證

大如氏魯有賢人大如子著書氏族略

集氏澐有外黃令集一廣韻容齋隨筆通鑑注

汲氏衛宣公太子汲之後居汲因曰為氏氏族略澐有中尉汲黯

為淮陽太守姓纂

澍按汲太公故居有太公泉及厠河南汲縣是矣朱雋傳有
彭城相汲廉河渠志有汲仁黯弟

納氏

急就章注引風
信通有納氏

沓氏寶人七姓有沓氏

急就
篇

捷氏邾公子捷菑之後溲菽文志有捷子二篇六國時人

氏族
略

澍按捷子齊人水經注戰國之時齊宣王喜文學游說之士
鄒衍淳于髡田駢接子慎到之徒七十六人皆賜列第爲上
大夫不治而議論一佗接子云或帝時人誤又按淮南子黃
帝臣捷剽是捷姓不始于捷菑也

葉氏楚沈尹戌生諸梁字子高食采於葉因氏焉

姓纂
氏族略

風俗通姓上篇
澍桮鄭樵云葉音攝後世乃异木葉同音也

莢氏莢成僖子晉大夫也見世本溼菽文志有萊氏春秋

氏族略

澍桮廣韻英字下引云英成僖子菱字下云菱氏僖子此又

引作莢未省孰是

甲氏太甲之後一云鄭大夫后甲父之後

氏族略

澍桮左傳鄭大夫后甲父姓甲父名后也鄧氏吕爲甲父姓

后非矣又桮宣十六季荀林父滅赤狄甲氏及畱吁皆潞之

屬也或吕國爲氏者姓纂云古諸侯吕國爲氏

輒氏衛出公輒之後

姓纂溼有輒終古

氏族略

澍桮溼有輒終古兩粵傳作榘終古錢唐人斬徇北將軍爲

語兒侯無輒終古也應氏說誤

鄴氏漢有梁令鄴風

廣韻

澍按風辯證引作鳳鄴當巨地爲氏者

習氏習國名傳有少習溘有陳相習響

路史注氏族通鑑注

澍按襄陽記光武時有侍中習郁昇光武同夢見蘇嶺山神者季溘有步兵校尉習隆表大諸葛亮廡亦見襄陽記

法氏齊襄王法章之後秦滅齊子孫不敢稱田故曰法爲氏宣帝時徙三輔代爲二千石後溘有扶風法雄子真並有傳

略

澍按法章齊潛王子也法章子建大爲秦所滅見史記應氏

說誤法雄字文疆南郡太守法真字喬卿四徵不屈號彖德先生

蠶姓

一切經音義

澍校道行般若經音義云蠶風信通有此姓又按溼書王莽傳有中常侍蠶惲辯證作蒂惲非也

風信通姓氏篇終

廣陵邱

義卿紹周

監刻

揚州趙明德鐫刻